


吳興合璧



重刊陳蓉裳先生吳興合璧序

蓋聞圖繪峴山吳社幾同洛社詩吟玉局陵陽遠勝襄陽是以文章名世不必藉臺閣以增輝著作等身有必託山川而生色也吾鄉蓉裳陳先生雪溪望族浙水通儒才擅六奇名高七彥博古今徵文攷獻通今兮立幹垂條駢言鑄史陳義標籤書尋禹穴抽碧文綠字之藏派溯姚江洗白葦黃茅之陋高文足抵五千韓潮蘇海餘藝尤工四六宋豔班香而時以吳興名郡紹慶舊都生長是邦彙編掌故弁山昇山鬱此瓊寶茗水雪水蕩

吳興合璧

止園重刊序言

一

爲文瀾爰乃網羅諸子餉核百家謂吳興好山水起六朝帝王將相謂家鄉記風土舊七邑歌賦詩詞斷章取義別類分門在鄉言鄉此物此志數典而敢忘其祖有責而是在匹夫此先生所以有纂輯吳興合璧之舉也原夫合璧云者惟山與水山如蘊藉水抱潏洄山之輝也璧以合而昭耀水之媚也珠以聯而圓瑩珠璧以聯合而呈瑞山水以合璧而鮮明所以西北多山東南積水水得山而明媚山臨水而輕盈則見夫峯棲白鶴洞臥黃龍紅蓼汀邊白蘋洲上玉塵金鵝並輕鳧而泛影

松風竹月啼嬌鳥兮成羣仰西塞之屋屨瞻東林之蔚
蔚窺南園之風雪覽北渚之烟霞依稀兮五亭三圃臨
罨畫於四圍縹緲兮傑閣隆樓瞰碧瀾於一帶而其林
壑之尤美者方屏金蓋之峒嶢前溪碧浪之洑澗靈境
所萃高蹤若邀自來名流俊侶逸士騷人梯苔命屐載
酒鼓枻而登臨者靡不刻琬山態續樵水聲林巒何幸
得斯人之一言山水有靈驚知己於千古此吳興山水
其交清流王漁洋之所以題詠也亦吳興山水其地清
遠蘇學士之所以稱美也至其名勝古蹟人物鄉風以

吳興合璧

止園重刊序言

二

邀以遊某山某水則有客隱吳羌人歸堯市匿名江子
潭號蘇公走項王之馬釣季鷹之鱸放孔愉之龜聞何
楷之鶴細雨連輕雲齊飛本吳叔庠送舟之句幽谷共
小溪一色爲蘇子瞻問路之吟張志和浮家泛宅青笠
綠簑趙子昂出郭幽棲丹崖白石他若菰米爲餐法華
則鸞飄鶴墮楊枝作供道場則僧衲烟樵炳炳焉麟麟
焉粲乎隱隱各得其所洵足謂人傑地靈物華天寶者
矣而先生之纂輯也搜爾雅之蟲魚狀離騷之草木拈
珠記事沿飾得奇字櫛句疏墳籍史覈彼夫山海經之

箋註居稽無此精詳水經注之源流叙述遜其淵博傾
書簾而卒業索錦瑟之解人雌蜺之讀胥協駿鳴之解
不譌若幅有裁式之玉尺惟繡有譜度與金鍼舉凡山
高水長詠歌之地山明水秀遊釣之鄉莫不選言雅贍
廣收墨妙之遺染翰清新賡續鷗波之韻元元本本殫
見洽聞皆足流簪下之輝而生菰城之色夫振綺有集
掇六代之偶辭譚藝有林蒐三唐之警句芳潤以漱瀝
液是傾操觚者流奉爲枕祕乃有楊君拙園爲之審定
而序端姚君春樹爲之校讎而核閱並有湯君勵齋丁

吳興合璧

止園重刊序言

三

君瀛仙傳君濬齋陳君樹亭加以參訂付諸剞劂都爲
四卷言成一家其時在有清乾隆丁未年也於是枵腹
者資爲糧中疾者引爲砭列前脩之斧鉞啓後學之津
梁拾其賸錦零香可以眩鮫市窮其千門萬戶可以造
鳳樓階梯通顯鼓吹休明洵无惑矣無如梨棗既登楮
墨易敝則有玉照山房驤臣張君重付削氏用誌瓣香
其時在光緒己卯年也此則昌黎舊文賴崧卿之藏棄
樊川別集藉田概而傳播往獻心聲于茲未墜侯其禕
而我之懷矣爾其疊山駢集既著姓名栗里詩篇尙存

甲子今日者歐雲似冪異學爭鳴墨雨如絲斯文已墜
唐隱居之瓢委諸流水劉復愚之冢化作香泥號時代
爲過渡當續絕之機關有誰復崇拜鄉賢保存國粹而
幸有同鄉凌君爽泉本鈕家世學師盧氏抱經一卷留
貽萬端珍重靈光之殿巋然獨存天祿之文世罕傳本
永嘉本出人無遑讀之勞宏農帳深客見不傳之祕太
清未見之書述者原非已作立言不朽之業藏之必俟
人傳蓋先生之精華亦鬼神所呵護也故植檜已朽見
蔽芾而如逢召公降露無庭對膏雨而猶思郇伯矧夫

吳興合璧

止園重刊序言

四

撰述彌足珍焉而鏞則螢乾不爇讀已十年鼃飲易盈
曉惟一孔家住六客堂邊詩誦八詠樓上溯家學之淵
源織簾有室讀國文而寶貴敝帚同珍然鏞之重爲是
刊者藉梓人之流傳慰凌君之慇懃幸蟬餘之無恙雖
鳩工而奚辭夫豈徒粉榆在望文獻足徵桑梓必恭流
風未艾亦使知身登九列何若沒世之有稱也裝累萬
金何若名山之藏業也庶幾哉鄉先生之面目留真咸
式太邱風範諸君子之精神畢出好爲來哲梯桃讀之
者自有會心序之者何敢置喙矧乃元宴舊序久論價

於鴻都丁廩小文終負慙於臯續淺忘蠡酌謬附驥旄
循覽是編無任主臣

中華民國八年己未之夏四月既望日鄉後學止園主
人沈鏞聯芳氏謹識

止園再誌

是書自湖城張驤臣先生重刊後忽忽已三十年碩果僅存幾爲吾湖人所遺忘矣民國八年之夏世叔凌爽泉先生袖出全冊就商於余慇懃再刊以廣流傳余乃欣然允之遂付上海書坊以活字版排印適兒子毓鈞字典揆年僅十四喜聞吳興掌故瀏覽此本頗以爲幸請命於余願承校字之役輒於課誦之餘津津樂道是年年終果蒞其事次年庚申付印正欲分贈於人詎知毓鈞於四月二十一日櫻時疾暴亡余觀此書不禁老

吳興合璧

止園再序

淚如雨家人束之高閣不使余見因是而拘延至今始得贈人嗟乎兒雖年幼尙能校此一書正宜流傳於世俾知吾兒之心亦得不泯傷心傷心書至此不能畢其詞矣

民國十一年歲次壬戌九月止園主人揮淚續記

湖郡古曰吳興蘇子瞻所稱山水清遠地也自昔志其勝者有張元之山墟名吳均入東記諸書已皆不少概見

國朝鄭芷畦先生湖錄博綜羣書發凡起例數百年耳目爲之一新而卷帙浩繁迄於今散亡殆盡矣余友陳子蓉裳有著述才慨文獻之無徵搜遺聞之放失纂輯吳興合璧如千卷以駢儷之體爲紀載之書山川古蹟瞭如指掌卓然爲吾鄉獨開生面而自成一家言信可謂毫髮無憾者矣且其文詞清麗兼擅庾鮑勝場世之

吳興合璧

楊序

覽者苑其精采採入謳吟定使翰墨生香湖山壯色則是書也非徒誇數典之不忘實足爲藝林之一助云
乾隆丁未仲冬上澣日愚弟楊知新拜題於夙好齋

吳興山水清遠賦

歸安楊知新元鼎

西北多山東南積水峙五岳之崒嶢振百川之渺瀰枝
峯蔓谷聯絡九州疊浪層波卷舒千里羌宇宙之寬閒
一河山之表裏浙西名郡古號吳興出郭則連山競秀
穿城而衆水淵激遠擬紫虛之府清如玉壺之冰儼鸞
飛而鳳舞歛浪湧而雲蒸鱗次兮一州六邑之奇峯峯
高百尺委輸乎四萬八千之浩頃頃漲千層其山從天
目而發源以弁蒼爲根本修聳兮六千餘丈天語遙聞
森羅兮七十二峯岳扃夙鍵南則道場金蓋秀鬱于郊

吳興合璧

楊賦

原北則鳳凰法華屏圍乎沙坂迤西而流水桃花夕煙
蜿蜒則西塞諸山之圖畫生開離迷近遠也迤東而躑
躑薔薇春光晚晚則東林諸山之錦繡牙連淺深低偃
也至車蓋則車笠童童浮玉則浮圖宛宛諸毘飛隴上
之雲峴首策橋邊之蹇玉金洞府結伴探幽木石玲瓏
耽奇忘返其環周境內而直走湖濱者要皆舞碧飛青
資流連而繾綣者也其水則濫觴金石朝宗具區雨漲
清波流入夾山之漾風迴碧水匯成千頃之湖苕霅盈
盈裊雙溪于郡郭汀州活活交四水於城隅派別陰陽

從北流而溢出簪分上下夾罨畫以齊驅泝紅蓼之灘
戶藏煙浦循白蘋之渚人在冰壺地足夫禽魚蝦蟹澤
饒於菱芡菰蒲凡平陂之奧衍與曲港之縈紆莫不分
流七邑表勝三吳爾乃紀稱山郡經註水晶層巒翠滴
遠渚潮平蠟屐頻來憐朝暉而夕蔭布帆無恙喜月白
而風清樓臺飛金碧之輝珠簾晝捲亭榭耀丹青之色
粉本天成問壑尋邱既無冬以無夏支筇攜酒更宜雨
兮宜晴水得山而明媚山臨水而輕盈煙樹共滄波一
色江流與嵐彩相迎倦鳥投林聽徹呶嚶之調漁歌入

浦遙聞欸乃之聲彼夫繞洛則羣峯際水環滁而江北
皆山夔府雄奇恣少陵之跌宕永州幽峭供子厚之登
攀留謝客於永嘉川原靈異訪戴公於剡曲意致蕭閒
湖號金牛崕峩峩之高插國名魚樂瀟洲渚之彎環總
未若菰城之映發迴秀出乎塵寰疑瑤島兮非遙波浮
畫檻俯晶宮而宛在岸裊煙鬟冰鑑晨開光直吞夫笠
澤晴虹晚亘影遙落於江關縹緲兮巖嶠之境空濛乎
雲水之間是以東坡傳繞郭之吟文暢著江南之句墟
名載自鴻儒石柱蹲於古戍畫船家具堯章興流寓之

思勝賞時宜長谷動幽棲之幕或記表入東或文垂掌
故無非寫澤國之風光增煙霞之旨趣况乎某邱某水
生長是邦亦釣亦遊目欣所遇漫想蕪詞紀實名摹追
松雪之圖敢云健筆凌雲聲價擬太冲之賦

吳興合璧目錄

歸安陳文煜蓉裳編次

吳興沈毓鈞典揆

續刊校字

卷首

吳興合璧序

吳興山水清遠賦

卷一 山部

烏程縣

峴山
道場山

學士山
何山

金蓋山
衡山

錢山
菁山

吳興合璧目錄

杼山
西塞山

棲賢山
鳳凰山

礪山
鳳翅山

法華山
弁山

白鶴山
毘山

玲瓏山
戴山

蜀山
昇山

西余山
黃龍洞

歸安縣

浮玉山
沈長山

東林山
上強山

卷二 山部

長興縣

飛雲山
顧渚山

堯市山
青山

桃花塢
羅峴

碧巖

德清縣

吳憾山
金鵝山
吳羗山

玉麀山
東主山

武康縣

封山
計籌山
煙霞塢

禹山
銅官山

安吉縣

石門山
梅溪山

郭公山

吳興合璧目錄

二

孝豐縣

廣苕山
靈巖山

天目山

卷三 水部

烏程縣

太湖
夾山漾

碧浪湖
西余漾

雪溪
江子匯

苕溪
蘇灣

蘇公潭
瑤席池

相國池

歸安縣

月河
紅蓼汀

白蘋洲
花溪

長興縣

若溪合溪

電畫溪
紫花澗

西清澗
珠簾水

金沙泉

德清縣

餘不溪
荷葉浦

孔愉澤
半月泉

武康縣

風渚湖
餘英溪

前溪
阮公溪

安吉縣

梅溪

吳興合璧目錄

三

孝豐縣

董嶺水

蛟龍池

卷四 古蹟部

湖州府治

六客堂
愛山臺

逍遙堂
墨妙亭

韻海樓
消暑樓

明月樓
清風樓

烏程縣

下菰城
菊坡園

芳菲園
瑤阜園

趙氏小隱園
石林園

玉湖園
何楷宅

雪溪館
茗溪草堂

寫真堂
碧瀾堂

水堂
逸老堂

掛瓢堂
烏亭

黃浦亭
東亭

西亭
五花亭

窪尊亭
臨湖亭

許氏溪亭
三癸亭

水亭
松風竹月亭

濯纓亭
浮碧亭

望湖亭
怡雲閣

袁哀讀書樓
海天閣

項王走馬埭

歸安縣

白蘋洲三園
趙孟頫宅

蓮花莊
古檜堂

吳興合璧目錄

四

五亭
歸雁亭

白蘋亭
勝賞樓

浮暉閣

松雪齋

長興縣

吳王城
陳朝檜

境會亭

德清縣

呂祖謙讀書堂
雪月亭

左顧亭

武康縣

餘英館

寒秀亭

安吉縣

故鄣古縣

晏子城

孝豐縣

振衣亭

飛雲樓

吳興合璧目錄終

吳興合璧目錄

五

吳興合璧卷一



歸安陳文煜蓉裳纂輯

烏程潘 翥勵齋參訂

同邑楊知新拙園參訂

吳興沈毓鈞典揆

續刊校字

山部

烏程縣

峴山

城南峴山上有秦皇之鑿嶺

劉沂縣志相傳始皇時以此處有王氣鑿斷山脈

李相之石

吳興合璧

峴山

卷之一

罇

輿地紀勝山有石酒罇可貯酒五斗唐開元中湖州別駕李適之每登山酣飲顏真卿作石尊聯句

洲號百花

峴山志宋時有百花洲在峴山寺門之左沙水

中軒名萬籟

府志萬籟軒在滴翠軒後

詩壇逸老

菰城文獻逸老堂明嘉靖己酉湯世賢建為林下士大夫結社之所唐樞等共十七

人湯世賢榜以為堂

縣志逸老堂即高風堂久圯湯世賢即其址重建榜曰逸老

閨秀明霞馮可

賓塋而題墓

府志明霞者司李馮可賓之愛姬也貌美而多才技可賓每退食令其捧硯侍几席濡毫揮洒無何遭妬而死可賓哭之哀為塋于峴山之麓題曰

石蒲齋侍兒明霞之墓

洛如花發陸彥淵知文運之興隆

清異錄山產異花類竹而實似美人見之

以問陸澄澄曰名洛如花國家文運興隆則生

秋桂香飄劉青田嘆風塵之憔悴

明劉基詩湖上清溪

溪上山小亭結構俯人寰窗中樹色宜晴雨門外灘聲自往還吸月樽深浮玉近采蓮舟去碧波閒春蘭秋桂年年好憔悴風塵滿厚顏

會有唐一元吳

社幾同洛社

明顧應祥詩高臺迥出郡城隅勝地茲遊絕代無叢木帶烟深擁寺亂峯飛翠靜涵湖身閑且盡杯中物世泰欣無四境虞洛社香山今已矣吳中

會有峴山圖

愧非羊叔子陵陽遠勝襄陽

宋蘇軾詩苕水如漢水鄰鄰鴨頭青吳興勝襄陽萬瓦浮青冥我非羊叔